

本草彙言

本草彙言卷之二十

錢塘倪朱謨純字甫選集

男倪洙龍冲之氏藏稿

山陰茹之憲引東甫校正

摘靈素兩經要句以爲用藥綱領

氣味陰陽

會稽張景岳介賓甫註

素問六節藏象論岐伯曰天食人以五氣地食人以五味

天以五氣食人者臊氣入肝焦氣入心香氣入脾腥氣入肺腐氣入腎也地以五味食人者酸味入肝苦味入心甘味入脾辛味入肺鹹味入腎也五氣入鼻藏于心肺上使五色修明音聲能彰五氣入鼻由喉而藏于心肺以達五藏心氣充則五主氣故色修明肺氣充則聲音彰著然心主血故華于面肺發于聲五味入口藏於腸胃味有所藏以養五氣氣和而生津液相成神乃自生五味入口由咽而藏于腸胃胃藏五味以養五藏之氣而化生津液

本草彙言

卷二十

以成精。精氣充而神自生。人生之道。止于是耳。而其所以成之者。則在于天之氣。地之味。氣味之切于用者。則在乎藥食之間而已。

靈樞五味篇伯高曰。胃者五藏六府之海也。胃者。水穀氣血之所聚也。

水穀皆入於胃。五藏六府皆稟氣於胃。氣味之正者。莫如水穀。水穀入胃。以

養五藏。故藏府者。皆稟氣于胃。而胃為五藏六府之本。五味各走其所喜。穀味酸。先

走肝。穀味苦。先走心。穀味甘。先走脾。穀味辛。先走肺。穀味

鹹。先走腎。五藏嗜欲不同。各有所喜。故五味之走。亦各有先。然既有所先。必有所後。而生克佐使。五藏皆

有相涉矣。穀氣津液已行。營衛大通。乃化糟粕。以次傳下。人受氣于

穀。故穀氣入於營衛。其糟粕之質。降為便溺。以次下傳。而出于大腸膀胱之竅。○又曰。穀始入於

胃。其精微者。先出於胃之兩焦。以溉五藏。別出兩行營衛

之道。穀之精氣。先出于胃。即中焦也。而後至上下兩焦。以溉五藏之至也。溉。灌注也。兩行。言清者入營。營行脉

主濁者入衛。衛行脉外。故營主血而濡于內。衛主氣而布于外。以分管衛之道。其大氣之搏而不行者。積于胸中。命曰氣海。出於肺。循喉咽。故呼則出。吸則入。大氣。宗氣也。搏聚也。衛由也。氣海。卽上氣海。一名膻中。居于膻上。蓋人有三氣。營氣出于中焦。衛氣出于下焦。宗氣積于上焦。出于肺。由喉嚨而爲呼吸出入。故曰氣海。天地之精氣。其大數常出三入一。故穀不入。半日則氣衰。一日則氣少矣。人之呼吸。通以爲吾身之真氣。故真氣者所受于天。與穀氣并而充身也。然天地之氣。從吸而入。穀食之氣。從呼而出。總計出入大數。則出者三分。入止一分。惟其出多入少。故半日不食。則穀化之氣衰。一日不食。則穀化之氣少矣。知氣爲吾身之寶。而得養氣之玄者。可以語道矣。

靈樞。五味論。黃帝問曰。五味入于口也。各有所走。各有所病。酸走筋。多食之。令人癢。鹹走血。多食之。令人渴。辛走氣。多食之。令人洞心。苦走骨。多食之。令人變嘔。甘走肉。多食

之令人悅心願聞其故少俞答曰酸入于胃其氣滯以收

上之兩焦弗能出入也

謂上中二焦凝結不舒也

不出即留于胃中胃

中和溫則下注膀胱膀胱之胞薄以懦得酸則縮絃約而

不通水道不行故癰

絃不分也約束也癰小水不利也味過于酸則上之兩焦弗能出入若留

于胃中則爲吞酸等疾若胃中溫和不留則下注膀胱膀胱得酸則縮故爲癰也

○愚按陰陽別論有云女子胞者氣厥論有云胞移熱于膀胱者五音五味篇有云衝脈狂

脈皆起于胞中者凡此胞字乃以子宮爲言也此節云膀胱之胞者其音拋以漫脾爲言也故在本篇特加膀胱二字以明此非子宮正欲辯其疑似耳奈何後人不解其意

遂認膀胱與胞爲二物夫脾即膀胱膀胱陰者積筋之所即脾也焉得復有一物耶知者當詳察之

終也故酸入而走筋矣

陰者陰器也積筋者宗筋之所聚也肝主筋其味酸故肉爲膀胱之

瘠而外走肝經之筋也又宜明五氣篇曰酸走筋筋病無多食酸

黃帝曰鹹走血多食之

令人渴何也少俞曰鹹入于胃其氣上走中焦注于脈則

血氣走之。血與鹹相得則凝。凝則胃中汁注之。注之則胃

中竭。竭則咽路焦。故舌本乾而善渴。血脈者。中焦之道也。

故鹹入而走血矣。

血爲水。化鹹亦屬水。鹹與血相得。故走

注之。則津竭而渴。然血脈必化于中焦。故鹹入中焦而走血。又宣明五氣篇曰。鹹走血。血病無多食鹹。黃帝

曰。辛走氣。多食之令人洞心。何也。少俞曰。辛入于胃。其氣

走于上焦。上焦者。受氣而營諸陽者也。薑韭之氣薰之。營

衛之氣不時受之。久留心下。故洞心。辛與氣俱行。故辛入

而與汗俱出。

洞心。透心若空也。營諸陽。營養陽分也。辛味

故爲洞心。爲汗出。又宣明五氣篇曰。辛走氣。氣病無多食辛。黃帝曰。苦走骨。多食之。令

人變嘔。何也。少俞曰。苦入于胃。五穀之氣皆不能勝苦。苦

入下脘。三焦之道皆閉而不通。故變嘔。齒者骨之所終也。

故苦入而走骨。故入而復出。知其走骨也。

苦味性堅而沉。故走骨。味過于

苦則并過胃中。腸氣不能運化。故五穀之氣不能勝之。三焦之道閉而不通。所以入而復出。其變為嘔。又如齒為骨之所終。苦通于骨。內不能受其氣。復從口齒而出。正因其走骨也。又宣明五氣篇曰。苦走骨。骨病無多食苦。

帝曰。甘走肉。多食之。令人悅心。何也。少俞曰。甘入于胃。其

氣弱小。不能上至于上焦。而與穀留于胃中者。令人柔潤

者也。胃柔則緩。緩則蟲動。蟲動則令人悅心。其氣外通于

肉。故甘走肉。

甘性柔緩。故其氣弱小。不能至于上焦。味過于甘。則與穀氣留于胃中。令人柔潤而緩。久

則甘從濕化。致生諸蟲。蟲動于胃。甘緩于中。心當悅矣。悅

病無多食甘。

陰陽應象大論黃帝曰。清陽為天。濁陰為地。地氣上為雲。

天氣下為雨。雨出地氣。雲出天氣。

此下言陰陽精氣之升降。以見天人一理也。天

地者。陰陽之形體也。雲雨。地之精氣也。陰在下者為

精。精者水也。精升則化為氣。雲雨而出也。陽在上者為

氣。氣者雲也。氣降則化為精。雨田雲而生也。目下而上者

地交于天也。故地氣上為雲。又曰雲出天氣。自下而上者

天交于地也。故天氣下為雨。又曰雨出地氣。六微旨大論

曰。升已而降。降者謂天。降已而升。升者謂地。天氣下降。氣

流于地。地氣上升。氣騰于天。可見天地之升降者。謂之雲

雨。人身之升降者。謂之精氣。天人一理。此其為最也。○氣

水同類。詳故清陽出上竅。濁陰出下竅。本乎天者親上。本

兄後章。竅七。謂耳目口鼻。下清陽發腠理。濁陰走五藏。腠理。肌表

竅二。謂前後二陰。清陽發腠理。濁陰走五藏。陽發散

于皮膚。故清陽歸之。陰受清陽實四支。濁陰歸六府。為諸

氣于五藏。故濁陰走之。六府。水為陰。火為陽。水潤下而寒。故

陽之本。故清陽實之。六府。水為陰。火為陽。水潤下而寒。故

傳化水穀。故濁陰歸之。水為陰。火為陽。水潤下而寒。故

熱。故為陽。凡天地萬物之氣。無往而非水火之運用。故天

以日月為水火。易以坎離為水火。醫以心腎為水火。丹以

精炁為水火。夫腎者水也。水中生氣。即真火也。心者火也。

火中生液。即其水也。水火互藏。乃至道之所在。醫家首宜

察。陽為氣。陰為味。降故為陰。此以藥石氣味言也。味歸形。

形歸氣。歸。依投也。五味生精血以成形。故味歸于氣。氣歸精。

氣者。真氣也。所受于天。與穀氣并而充身。精歸化。精者。坎

者也。人身精血。由氣而化。故氣歸于精。一生水。為五行之最先。故物之初生。其形皆水。由精食

以化氣。由氣以化神。是水為萬化之原。故精歸于化。精食

氣。形。食。味。故精食氣。味歸形。故形食味。化生精。萬物化生。

故化生精。前言精歸化者。言未化之前。由精為氣。生形。聚

化也。此言化生精者。言既化之後。由化生精也。氣生形。聚

則形生。氣散。味傷形。氣傷精。味既歸形。而味有不節。必反

則形死也。味傷形。氣傷精。傷形。氣既歸精。而氣有失調。

必反。精化為氣。精化為氣。謂元氣由精而化也。然上文既

傷精。精化為氣。云氣歸精。是氣生精也。而此又曰。精化氣

是精生氣也。二者似乎相反。而不知此正精氣互根之妙。

以應上文。天地雲雨之義也。夫陽化氣。即雲之類。陰成形。即

雨之類。雨乃不生于地。而降于天之雲。氣歸精也。雲乃

不出于天。而升于地之氣。精化為氣也。人身精氣。至是如

此。故氣聚則精盈。精盈則氣盛。精氣充而形自強矣。蓋所

以先與雲雨為言者。正欲示人以精氣互降之理。此目。

氣傷于味。上文曰。味傷形。則未至形傷。而氣已先傷。如

也。陰味出下竅。陽氣出上竅。味為陰。故降。氣為陽。故升。味厚者為陰。薄

為陰之陽。氣厚者為陽。薄為陽之陰。此言氣味之陰陽。而復各有陰

陽也。味為陰矣。而厚者為純陰。薄者為陰中之陰。陽氣為陽矣。而厚者為純陽。薄者為陽中之陽。味厚則泄。

薄則通。氣薄則發泄。厚則發熱。陰味下行。故味厚者能泄。陽氣上行。故氣薄者能通。

行。故氣薄者能泄。于表。厚者能發熱也。壯火之氣衰。少火之氣壯。壯火食氣

少。火生氣。火。天地之陽氣也。人非此火。不能生物。人非此

火。則生物。亢烈之火。反害物。故萬物之生。皆由陽氣。但陽和之氣。則氣乃壯。壯火食氣。猶言火食此氣也。少火生氣。猶言氣食此火也。此雖承氣味而言。然造化之道。小則壯。壯則衰。自是。如此。不特尋言氣味者。

至真要大論岐伯曰。辛甘發散為陽。酸苦涌泄為陰。鹹味

涌泄為陰。淡味滲泄為陽。六者或收或散。或緩或急。或燥

或潤。或更或堅。以所利而行之。調其氣。使其平也。泄。通也。涌。吐也。

滲泄利小便及通竅也。辛甘酸苦鹹淡六者之性。辛主散
主潤。甘主緩。酸主收。主急。苦主燥。主堅。鹹主更。淡主滲泄。
藏氣法時論曰。辛散。酸收。甘緩。苦堅。鹹更。故五味之用。升
而輕者爲陽。降而重者爲陰。各因其利而行之。則氣可調
而平矣。

寇宗奭曰。生物者氣也。成之者味也。以奇生則成而偶以
偶生則成而奇。寒氣堅其味可用以更熱氣更其味可用
以堅風氣散其味可用以收燥氣收其味可用以散土者
冲氣之所生冲氣則無所不和故其味可用以緩氣堅則
壯故苦可以養氣脉更則和故鹹可以養脉骨收則強故
酸可以養骨筋散則不攣故辛可以養筋肉緩則不壅故
甘可以養肉。

李東垣曰。一陰一陽之謂道。偏陰偏陽之謂疾。陽劑剛勝

積若燎原爲消狂癰疽之屬則天癸竭而榮涸陰劑柔勝積若凝冰爲洞泄寒中之病則真火微而衛散故大寒大熱之藥當從權用之氣平而止

升降浮沉

李東垣曰藥有升降浮沉化生長收藏成以配四時春升夏浮秋收冬藏土居中化是以味薄者升而生氣薄者降而收氣厚者浮而長味厚者沉而藏氣味平者化而成但言補之以辛甘溫熱及氣之厚味之薄者卽助春夏之升浮便是瀉秋冬收藏之藥也但言補之以酸苦鹹寒及氣之薄味之厚者卽助秋冬之降沉便是瀉春夏生長之藥也淡味之藥滲卽爲升泄則爲降佐使諸藥者也

王海藏曰。溫熱天之陽。寒涼天之陰。陽則升。陰則降。辛甘淡。地之陽。酸苦鹹。地之陰。陽則浮。陰則沉。或溫多而成熱。或涼多而成寒。或寒熱各半而成溫。或熱多寒少。寒不爲之寒。或寒多熱少。熱不爲之熱。或寒熱各半。晝服則從熱。之屬而升。夜服則從寒之屬而降。或晴則從熱。陰則從寒。不可一塗而取也。

王海藏曰。升而使之降。須知抑也。沉而使之浮。須知載也。辛散也。而行之也。橫甘發也。而行之也。上苦泄也。而行之也。下酸收也。其性縮。鹹與也。其性舒。鼓掌成聲。沃火成沸。二物相合。象在其間矣。

李頤湖曰。酸鹹無升。甘辛無降。寒無浮。熱無沉。其性然也。

而升者。引之以鹹。則沉而直達下焦。沉者引之以酒。則浮而上至巔頂。一物之中。有根升稍降。生升熟降。是升降在物。亦在人也。

五運六淫用藥主治

會稽張景岳介賓甫註

素問至真要大論

岐伯曰厥陰司天其化以風

厥陰屬木其化以風

凡和氣升陽發生萬物皆風之化

少陰司天其化以熱

少陰屬君火其化以熱凡炎蒸鬱煥

萬類蕃茂皆火之化

太陰司天其化以濕

太陰屬土其化以濕凡雲雨滋澤津液充實皆土之

化少陽司天其化以火

少陽屬相火凡炎暑赫烈

陽明司

天其化以燥

陽明屬金其化以燥凡清明乾肅萬物堅剛皆金之化

太陽司天其化

以寒

太陽屬水其化以寒凡凝冽

又曰厥陰司天為風化

木氣在天為風化而氣怒指動雲

在泉為酸化

木氣在地則味為酸

化。如寅申歲。厥少陰司天為熱化。君火在天為熱化。而為陰在泉是也。如

子午歲。少陰司天為苦化。火氣在地則味為苦化。如太陰司天是也。

司天為濕化。土氣在天為濕化。而為陰在泉是也。如

甘化。上氣在地則味為甘化。如少陽司天為火化。相火在天為火化。而為陰在泉是也。

化。而為炎光赫烈。燔灼焦然。在泉為苦化。火氣在地則味如寅申歲。少陽司天是也。

泉是也。陽明司天為燥化。金氣在天為燥化。而為清涼。如卯酉歲。陽

明司天在泉為辛化。金氣在地則味為辛化。如太陽司天是也。

為寒化。水氣在天為寒化。而為嚴冷凜冽。陰在泉為鹹化。水氣在地則味為鹹化。如

丑未歲。太陽在泉是也。○厥陰司天風浮所勝則太虛

埃昏雲物以擾寒生春氣。流水不冰。蟄蟲不出。已亥歲也。

故太虛埃昏雲物擾。風人主溫。故寒生春氣。而流水不冰。然風勝則金令承之。清肅氣行。故蟄蟲不出也。民

病胃脘當心而痛。上三。胃氣不通。後食不下。石水。

食則嘔。冷泄。腹脹。澹州。水。本于脾。胃脘當心而痛。

此以木邪乘土。故衝陽絕。死不治。衝陽。足陽明。胃脈也。在

諸病皆木于脾也。衝陽絕。死不治。足陽明。胃脈也。在

脾水。則脾胃氣竭而衝陽絕。故死不治。風淫所勝。平以辛涼。佐以甘苦。以甘

緩之。以酸寫之。風淫于上。平以辛涼。佐以甘苦。以甘緩之。

以酸也。○少陰司天。熱淫所勝。怫熱至。火行其政。大雨且

至。子午歲也。熱淫于上。故火行其政。民病胸中煩熱。嗌乾。

右肱滿。皮膚痛。寒熱。欬喘。唾血。血泄。衄。嚏。嘔。溺。色變。甚

則瘡瘍。肘腫。肩背臂臑。及缺盆中痛。心痛。肺臌。腹大滿。膨

膨而喘欬。病本于肺。胸中煩熱。嗌乾。等語。皆指火土炎。肺

手太陰肺脉也。在肘內廉。大文中。動脉應手。熱淫所勝。平

以鹹寒。佐以苦甘。以酸收之。此與下文在泉同治。○太陰司天。濕淫

所勝。則沈陰旦布。雨變枯稿。旦布。沈。深也。濕淫于上。故沈陰

清為傷。故民病附腫。骨痛陰痺。按之不得。腰脊頭項痛。時

眩大便難。陰氣不用。饑不欲食。欬唾則有血。心如懸。病本

下腎。附腫。骨痛。至心。如懸。皆足少陰腎經太谿絕。死不治。

太谿。足少陰腎脉也。在足內踝後跟骨上。動脉應手。水不勝土。則腎氣竭而太谿絕。故死不治。濕淫所勝

平以苦熱。佐以酸辛。以苦燥之。以淡泄之。與下文在泉治

與彼酸淡少異。蓋辛勝酸。所以濕上甚而熱。治以苦溫。佐

以甘辛。以汗為故而止。濕上甚而熱者。濕鬱于上而發熱

微其散也。以燥以散。則濕熱○少陰司天。火淫所勝。則溫

之在上者。以汗之故而止矣。

氣流行。金政不平。寅申歲也。利火淫勝。上則金。民病頭

痛。發熱惡寒而瘧。熱上皮膚。色變黃赤。傳而為水。身面

肘腫。腹滿。仰息。泄注。赤白瘡瘍。欬。唾血。煩心。胸中熱甚。則

眦。病本于肺。相火用事。金氣受邪。客熱內熾。水不能制。故為此諸病。皆本于肺也。大府絕

死不治。天府。手太陰肺脉也。在臂臑內廉。腋下三寸。動脉應手。金不勝火。則肺氣竭。而天府氣竭。故死不治。

火淫所勝。平以鹹冷。佐以甘苦。以酸收之。以苦發之。以酸

復之。此與在泉熱淫治同。蓋水能勝火。故平以鹹冷。苦能

寫火之實。甘能緩火之急。故佐以甘。火盛而酸越者。以酸收之。火鬱而伏。而苦發之。然以發去火。未免傷氣。故又當以酸復之。而火熱二氣同治也。陽

明司天。燥淫所勝。則木迺晚榮。草迺晚生。筋骨內變。大涼

革候。名木斂。生苑于下。草焦上首。蟄蟲來見。卯酉歲也。燥

則木受其克。故草木不生。榮俱晚。其在于人。則肝血受傷。不能榮養筋骨。故生內變。且金氣大涼。能革發生之候。故草

本草綱目 卷二十一 九

少陰之應如此。然陽明金氣在上。則民病左胛脅痛。寒清于

中。感而瘡。欬腹中鳴。注泄。驚澹。心脅暴痛。不可反側。嗌乾。

面塵。腰痛。丈夫癰疔。婦人少腹痛。目眵。背瘍。瘡瘕癰。病本

于肝。左胛脇痛等證。皆肝經病。肝木主左也。心脇痛不能

轉側。為足少陽膽病。腰痛不可俛仰。丈夫癰疔。嗌乾。

面塵。瘡澹。為足厥陰肝病。此以肝與膽為表裏。木被金傷。

故諸病皆本于肝也。○寒清于中。感而瘡。瘡瘕。腹中鳴。注泄。

驚澹。又屬肝與脾之為病也。○太衝絕。死不治。太衝。足厥陰肝脈也。在足

主。木不勝金。則肝氣竭。而太衝絕。故死不治。燥淫所勝。平以苦溫。佐以酸辛。以

苦下之。此與燥淫于內治同。但彼云。○太陽司天。寒淫所

勝。則寒氣反至。水且冰。運火炎烈。雨暴迺雹。辰戌歲也。寒

反至。若乘火運。而火氣炎烈。民病血變于中。發為癰瘍。厥

則水火相激。故雨暴迺雹。心痛。嘔血。泄。眇。眇。善悲。眩仆。胸腹滿。手熱。肘攣。腋腫。

心澹澹大動胸脇胃腕不安面赤目黃

治渴而欲飲病本于心發為癰瘍等證按經脈篇以手心中

熱臂肘擊急腋腫胸脇支滿心中澹澹大動面赤目黃中

為手厥陰心包絡病蓋火受寒傷故諸病皆本于心也示

門絕死不治神門手少陰心脈也在手掌後銳骨之端動

不寒淫所勝平以辛熱佐以苦甘以鹹寫之辛熱足以散

勝水以鹹寫之水之

正味其寫以鹹也

厥陰在泉風淫所勝則地氣不明平野昧草廼蚤秀厥陰

寅申之也風淫于地則木勝上風勝濕塵埃飛揚民病洒

故地氣不明平野昏昧木氣有餘故草廼蚤秀

洒振寒善呻數欠心痛滿兩脇裏急飲食不下噯咽不

通食則嘔腹脹善噫得氣則快然如衰身體皆重按

經脈篇自洒洒振寒至數下為陽明胃病自食則嘔至身體皆重為太陰脾病且厥陰肝脈貫膈布脇肋故又為心痛

支滿等證皆木邪淫風淫于內治以辛涼佐以苦甘以甘

緩之以辛散之

風為木氣金能勝之故治以辛涼過于辛恐反傷其氣故佐以苦甘苦勝辛甘益氣

也木性急故以甘緩之風邪勝故以辛散之藏氣法時論曰肝苦急急食甘以緩之所欲散急食辛以散之此之謂

也○少陰在泉熱淫所勝則焰浮川澤陰處反明蟄蟲不

藏少陰在泉卯酉歲也君火淫勝于下故焰浮川澤陰處反明蟄蟲不藏民病腹中常鳴氣

上衝胸喘不能久立寒熱皮膚痛目瞑齒痛頤腫惡寒發

熱如瘧少腹中痛腹大

腹中常鳴者火氣奔動也氣上衝胸者火性炎上也喘不能久立寒

熱皮膚痛者火邪乘肺也目瞑者熱甚陰虛畏陽光也齒動頤腫熱乘陽明經也惡寒發熱如瘧金水受傷陰陽爭

勝也熱在下焦故少腹中痛熱在中焦故腹大熱淫于內治以鹹寒佐以甘苦以

酸收之以苦發之

熱為火氣小能勝之故治宜鹹寒佐以甘苦甘勝酸所以助鹹之過也苦能泄

所以大熱之實也熱盛于經而不飲者以○太陰在泉草

叢收之熱鬱于內而不解者以苦發之

乃蚤榮濕淫所勝則埃昏巖谷黃反見黑至陰之交在泉太陰

辰戌歲也土為草木之所養生故草乃蚤榮巖谷者土厚之處埃昏巖谷黃土色黑水色土勝濕淫故黃反見黑五

常政大論曰太陰司天濕氣下臨腎氣上從黑起水發即土臨水應之義至陰之交當三氣四氣之間土之令也

民病積飲心痛耳聾渾渾惇惇噎腫喉痺陰病血見少腹

痛腫不得小便病衝頭痛目似脫項似拔腰似折髀不可

以曲膈如結喘如別飲積心痛寒濕乘心也自耳聾至喉

不得小便以邪濕下流為陰虛腎病自衝頭痛至膈如別

按經脈篇為勝膀胱經病此以土邪淫勝克水而腎合三焦

勝膀胱俱為水濕淫于內治以苦熱佐以酸淡以苦燥之以

淡泄之者濕為土氣燥能除之故治以苦熱酸從木化制土

泄之者淡能利竅也藏氣法時論曰○少陽在泉火淫所

勝則焰明郊野寒熱更至于下故痛明郊野熱極生寒故

寒熱民病注泄赤白少腹痛瀉赤甚則血便少陰同候傷熱

更至民病注泄赤白少腹痛瀉赤甚則血便少陰同候傷熱

血分則注赤熱傷氣分則注白熱在下焦故少腹火淫於

痛瀉赤血便其餘諸病皆與前少陰在前同候火淫於

內治以鹹冷佐以苦辛以酸收之以苦發之相火畏火也故治宜鹹冷

若能泄火辛能散火故用以爲佐以酸○陽明在泉燥淫

收之以苦發之義與上文熱淫同治

所勝則霧霧清瞑陽明在泉于午歲也金氣淫勝

嘔嘔有苦善太息心脅痛不能反側甚則嗑乾面塵身無

膏澤足外反熱按經脈篇以口苦善太息心脅痛不能轉

足少陽膽經病盛乾面塵爲厥陰肝經病燥淫于內治以

苦溫佐以甘辛以苦下之燥爲金氣火能勝之治以苦溫

傷以甘緩之金之正味以辛寫之也燥結不通則邪實于

內故當以苦下之按下文燥淫所勝佐以酸辛與此甘辛

○太陽在泉寒淫所勝則凝肅慘慄太陽在泉丑未歲

也水氣淫勝于下

故凝肅民病少腹控臍引腰脊上衝心痛血見隘痛頷腫

寒淫于下自傷其類則膀胱與腎受之膀胱居腹故少腹

痛腎主陰丸故控臍太陽之脈挾脊抵腰中故引腰脊腎

脈絡心故上衝心痛心主血屬而寒逼之故血見按經

野篇以隘痛頷腫為小腸經病亦水邪侮火而然也寒

淫于內治以甘熱佐以苦辛以鹹寫之以辛潤之以苦堅

之寒為水氣土能勝水熱能勝寒故治以甘熱甘從土化

熱從火化也佐以苦辛等義如藏氣法時論曰苦若燥

急食辛以潤之腎欲堅急食苦以堅之用苦補之鹹寫之也

○按司天主上半年天氣司之故謂之所勝上淫于下也

在泉主下半年地氣司之故謂之于內外淫于內也當

其時而反得勝已之氣者謂之反勝六氣之勝何以徵

之燥勝則地乾暑勝則地熱風勝則地動濕勝則地泥

寒勝則地裂火勝則地涸是也

四時用藥

李瀕湖曰。按五常政大論曰。必先歲氣。毋伐天和。河間曰。升降浮沉。則順之。寒熱溫涼。則逆之。故春月宜加辛溫之藥。薄荷。荆芥之類。以順春升之氣。夏月宜加辛熱之藥。香薷。生薑之類。以順夏浮之氣。長夏宜加甘苦辛溫之藥。人參。白朮。蒼朮。黃柏之類。以順化成之氣。秋月宜加酸溫之藥。芍藥。烏梅之類。以順秋降之氣。冬月宜加苦寒之藥。黃芩。知母之類。以順冬沉之氣。所謂順時氣而養天和也。又云。春省酸。增甘以養脾氣。夏省苦。增辛以養肺氣。長夏省甘。增鹹以養腎氣。秋省辛。增酸以養肝氣。冬省鹹。增苦以養心氣。此則既不伐天和。又防其太過。所以體天地之大

德也。昧者。舍本從標。春用辛涼以伐木。夏用鹹寒以抑火。秋用苦溫以泄金。冬用辛熱以涸水。謂之時藥。殊背素問逆順之理。以夏月伏陰。冬月伏陽推之。可知矣。
王海藏曰。四時總以芍藥為脾劑。蒼朮為胃劑。柴胡為時劑。十一藏皆取決于少陽。為發生之始故也。

君臣佐使

素問至真要大論云。岐伯曰。主病之謂君。佐君之謂臣。應臣之謂使。非上中下三品之謂也。
為君者最多。為臣者次之。佐者又次之。藥之於證。所主同者。則各等分。按主病者。對證之要藥也。故為君。味數亦而分兩重。賴之以為主也。臣則味數稍多。分兩稍輕。使則分兩更輕。所以備通行引導之使也。

上中下三品

李瀕湖曰按經言上藥一百二十種爲君。主養命以應天。無毒多服久服不傷人。欲輕身益氣不老延年者。本上經中藥一百二十種爲臣。主養性以應人。無毒有毒。斟酌其宜。欲遏病補虛羸者。水中經下藥一百二十五種爲佐使。主治病以應地。多毒不可久服。欲除寒熱邪氣破積聚。愈疾者。本下經陶貞白曰上品亦能遺疾。但勢力和厚。不爲速効。歲月常服。必獲大益。中品療病之辭。漸淡輕身之說。稍薄。祇患爲速。延齡爲緩。下品專主攻擊。毒烈之氣。傾損中和。不可常服。疾愈則止。

七方十劑

顧朽匏選輯

大方岐伯云君一臣三佐九制之火也。君一臣二佐五。

制之中也。君一臣二。制之小也。此以品件之多寡爲大小也。又云。遠而奇偶。制大其服。近而奇偶。制小其服。大則數少。小則數多。多則九之。少則二之。此以分兩之多寡爲大小也。按品件多之大方。乃病有兼證而邪不一。不可以一二味治者。宜之也。分兩多之大方。及肝腎及下部位遠。數多。則其氣緩。不能速達于下。必數少而劑大。取其迅速下達也。

一小方。有品件少之小方。乃病無兼證。邪氣專一。可一二味治者。宜之也。有分兩少之小方。乃心肺上部位近。數少。則其氣下走。不能升發于上。必數多而劑小。徐徐細呷。取其升散上行也。

一緩方。岐伯云補上治上。制以緩。補下治下。制以急。急則氣味厚。緩則氣味薄。適其至所。病所遠而中道氣味之者。食而過之。無越其制度也。王冰註云。假如病在腎。而心氣不足。服藥宜急過之。不以氣味飼心。腎藥凌心。心益衰矣。凡上下遠近。其例皆同。按病有上下表裏之異。治上必妨下。治表必連裏。用黃芩以治肺。必妨脾。用菴菴以治腎。必妨心。服乾薑以治中。必僭上。服附子以補火。必涸水。用藥之道。治上不犯下。治下不犯上。治中則上下俱不犯。惟在緩急合宜耳。有甘以緩之之方。甘草糖蜜之類是也。病在胸膈。取其留戀也。有丸以緩之之方。比之湯藥。其行遲慢也。有品件衆多之緩方。藥衆則通和拘制。不得各騁其性。

也有無毒治病之緩方。無毒則性純功緩。也有氣味俱薄之緩方。氣味薄則長于補上。比至其下。藥力已衰矣。

一急方。有急病急攻之急方。中風關格之病是也。有湯散蕩滌之急方。下咽易散而行速也。有毒藥之急方。毒性能上涌下泄。以奪病勢也。有氣味俱厚之急方。氣味俱厚。直趨于下。而力不衰也。

一奇方。獨用一物謂之奇方。一三五七九。藥合陽數。亦謂之奇方。唐許胤宗治病多用單方。謂藥與病合。惟用一物攻之。氣純而愈速。今人認病不真。多其物以幸有功。譬獵不知兔。廣給原野。冀一人獲之術。亦疎矣。一藥偶得他藥相制。弗能專力。而欲愈疾。不亦難乎。

一偶方二物相配。二方相合。皆謂之偶方。二四六八十。藥各陰數。亦謂之偶方。王太僕言。汗藥不以偶。則氣不足以外發。下藥不以奇。則藥毒攻而致過。蓋下本易行。故單行則力孤而微。汗或難出。故併行。則力齊而大乎。然仲景制方。桂枝汗藥。五味爲奇。大承氣下藥。四味爲偶。則奇偶之數。似不必拘也。

一複方。奇之不去。複以偶。偶之不去。複以奇。所謂十補一泄。數泄一補也。又傷寒見風脈。傷風得寒脈。爲脈應。宜以複方主之。凡二方三方及數方相合者。如越婢一湯。五積散之屬是也。

一宣劑。徐之才曰。宣可去壅。

皮之屬是也。

垣

曰外感天淫之邪欲傳入裏三陰八而不受逆于胸中。天分氣分。窒塞不通。或噦或嘔。所謂壅也。故必破氣藥如薑、橘、半夏、藿香之類瀉其壅塞也。張子和曰。宣劑卽涌劑也。人以宣爲瀉。以宣爲通。然十劑中已有瀉與通矣。宣者升而上也。經曰。高者因而越之。水鬱則達之是也。凡胸中諸實痰飲寒結熱鬱。上而不下。久則噎膈滿脹。水腫之病生焉。非宣劑莫能愈也。如引涎追淚嚏鼻。凡上行者皆吐法也。李瀕湖曰。壅者塞也。宣者布也。散也。鬱塞之病。不升不降。傳化失常。或鬱久生病。或病久生鬱。必藥以宣布敷散之。不獨涌越爲宣也。是以氣鬱則香附、川芎以開之。不足則補中益氣以運之。火鬱則山梔、青黛以散之。甚則升陽

解肌以發之。濕鬱則蒼朮、白朮以燥之。甚則風藥以勝之。痰鬱則南星、橘皮以化之。甚則瓜蒂、藜蘆以涌之。血鬱則桃仁、紅花以行之。甚則或吐或利以逐之。食鬱則山楂、神麴以消之。甚則上涌下利以去之。皆宣劑也。

一通劑。徐之才曰。通可去滯。通草防已之屬是也。李瀕湖曰。滯。留滯也。濕熱之邪。留于氣分而爲痛痺。癰閉者。宜淡滲之藥。以助肺氣下降。通其小便。而洩氣中之滯。木通猪苓之類是也。濕熱之邪。留于血分。而爲痲痺腫注。二便不通者。宜苦寒之藥。通其前後。而洩血中之滯。防已、大黃之類是也。

一補劑。徐之才曰。補可去弱。人參、羊肉之屬是也。張子和

曰五藏各有補瀉。五味各補其藏。有表虛裏虛。上虛下虛。陰虛陽虛。氣虛血虛。精不足者。補之以味。形不足者。補之以氣。五穀。五菜。五果。五肉。皆補養之物也。李瀕湖曰。生薑之辛。補肝。炒鹽之鹹。補心。甘草之甘。補脾。五味子之酸。補肺。黃蘗之苦。補腎。又如茯苓。補心氣。生地黃。補心血。人參。補脾氣。白芍藥。補脾血。黃芪。補肺氣。阿膠。補肺血。杜仲。補腎氣。熟地黃。補腎血。芎藭。補肝氣。當歸。補肝血之類。皆補劑也。

一洩劑。徐之才曰。洩可去閉。葶藶。大黃之屬是也。張子和曰。實則瀉之。諸痛爲實。痛隨利減。芒硝。大黃。牽牛。甘遂。巴豆之屬。皆瀉劑也。催生。下乳。磨積。逐水。破堅。洩氣。凡下行。

者皆下法也。李頤湖曰：去閉當作去實。經云：實者瀉之。又云：實則瀉其子。五臟五味皆有瀉。如肝實瀉以芍藥之酸，心實瀉以甘草之甘，脾實瀉以黃連之苦，肺實瀉以石膏之辛，腎實瀉以澤瀉之鹹，是矣。

輕劑。徐之才曰：輕可去實。麻黃、葛根之屬是也。張子和曰：風寒之邪始客皮膚，頭痛身熱，宜解其表。癰瘡疥癩亦宜解表。內經所謂輕而揚之，發汗是也。凡薰洗、蒸炙、熨烙、刺、砭、導引、按摩皆汗法也。李頤湖曰：去實當作去閉。有表閉裏閉，上閉下閉，表閉者風寒傷營，腠理閉密，陽氣怫鬱，不能外出而爲發熱惡寒、頭痛、脊強諸病，宜輕揚之劑發其汗而表自解也。裏閉者火熱鬱抑，津液不行，皮膚乾閉。

而爲肌熱煩熱頭痛

昏瞢瘡瘍諸病宜輕揚之劑解

其肌而火自散也上

二一則外寒內熱上焦氣閉發

爲咽喉腫痛之證宜辛涼之劑揚散之則閉自開一則飲

食寒冷抑遏陽氣在下發爲胸膈痞滿閉塞之證宜揚其

清而抑其濁則痞自散也下閉亦有二有陽氣陷下發爲

裏急後重數至圉而不行之證但升其陽而大便自順所

謂下者舉之也有燥熱傷肺金氣贖鬱竅閉于上而膀胱

閉于下爲小便不利之證以升脉之類探而吐之上竅通

而下竅自利所謂病在下取之上也

一重劑徐之才曰重可去怯磁石鐵粉之屬是也張子和

曰重者鎮墜之謂也怯則氣浮驚悸氣上硃砂水銀沉香

黃丹寒水石之倫。體皆沉重。久病咳嗽。涎潮于上。形羸不可攻者。以此墜之。經云重者因而減之。貴其漸也。李頤湖曰。重劑凡四。有驚則氣亂。魂氣飛揚。如喪神守者。有怒則氣逆。肝火激烈。病狂善怒者。並鐵粉雄黃之類。以平其肝。有神不守舍。多驚健忘。迷惑不寧者。宜硃砂。紫石英之類。以鎮其心。有恐則氣下。精志失守。如人將捕者。宜磁石。沉香之類。以安其腎。大抵重劑壓浮火而墜痰涎。不獨治怯也。故諸風掉眩。驚癇痰喘。吐逆反胃之病。皆浮火痰涎爲害。俱宜重劑以墜之也。

一滑劑。徐之才曰。滑可去著。冬葵子。榆白皮之屬是也。劉守真曰。澀則氣著。必滑劑以利之。滑能養緩。故潤利也。張

子和曰。大便燥結。宜麻仁、郁李之類。小便淋瀝。宜葵子。滑石之類。前後不通。兩陰俱閉。名曰三焦約。約者束也。宜先以滑劑潤養其燥。然後攻之。李瀕湖曰。著者有形之邪。留著于經絡藏府間。如濁帶痰涎。胞胎癰腫之類。皆宜滑藥以引去其留著之物。此與木通、猪苓通以去滯不同。木通、猪苓淡洩之物。去濕熱無形之邪。葵子、榆皮、甘滑之類。去濕熱有形之邪。故彼曰滯。此曰著也。大便澀者。菠薐、牽牛之屬。小便澀者。車前、榆皮之屬。精竅澀者。黃柏、葵花之屬。胞胎澀者。黃葵子。王不留行之屬。引痰涎自小便去者。則半夏、茯苓之屬。引瘡毒自小便去者。則五華藤、萱草根之屬。皆滑劑也。半夏、南星皆辛而涎滑。能洩濕氣。通大便。蓋

辛能潤能走氣能化液也。

一澀劑徐之才曰澀可去脫牡蠣龍骨之屬是也劉守真曰滑則氣脫如開腸洞泄便溺遺失之類必澀劑以收斂之張子和曰寢汗不禁澀以麻黃根防風滑泄不已澀以豆蔻枯礬木賊罌粟殼喘嗽上奔澀以烏梅訶子凡酸味同于澀者收斂之義也然皆先攻其本而後收之可也李願湖曰有氣脫血脫精脫神脫脫則散而不收故用酸澀之藥以斂其耗散汗出亡陽精滑不禁泄痢不止大便不固小便自遺久嗽亡津皆氣脫也下血不已崩中暴下諸大亡血皆血脫也牡蠣龍骨海螵蛸五倍子五味子烏梅榴皮訶黎勒罌粟殼蓮房櫻灰赤石脂麻黃根之類皆澀

藥也。氣脫兼以氣藥，血脫兼以血藥，及氣藥、氣者血之帥也。脫陽者見鬼，脫陰者目盲，此神脫也。非溫藥所能收也。一燥劑。徐之才曰：燥可去濕。桑白皮、赤小豆之屬是也。按濕有在上、在中、在下、在皮、在經、在裏之分，而不出于外感、內傷二種。外感之濕，雨露嵐霧、地氣水濕襲于皮肉筋骨、經絡之間；內傷之濕，水飲酒食膏粱厚味漬于腸胃之中。風藥可以勝濕，燥藥可以除濕，淡藥可以滲濕，洩小便可以引濕，利大便可以逐濕，吐痰涎可以祛濕。濕之主藥，蒼朮、白朮、陳皮、木香之屬；濕而有熱，苦寒之劑；燥之，黃連、黃柏、梔子、大黃之屬；濕而有寒，辛熱之劑；燥之，乾薑、附子之屬是也。

一濕劑徐之才曰。濕可去枯。白石英、紫石英之屬是也。按濕與滑類。而實不同。人有枯涸、皴揭之病。非獨金化。蓋有火以乘之。風熱拂甚。則津液枯竭。營衛涸流。而爲燥病。上燥則渴。下燥則結。筋燥則強。皮燥則揭。肉燥則裂。骨燥則折。肺燥則癆。腎燥則消。凡麻仁、阿膠、膏潤之屬。皆潤劑也。養血則當歸、地黃之屬。生津則麥門冬、栝樓根之屬。益精則從蓉、枸杞之屬。皆濕劑也。

吐汗下三法

人身不過表裏氣血。不過虛實。良工先治其實。後治其虛。鑱工或治實。或治虛。謬工則實實虛虛。惟庸工能補其虛。不敢治其實。張子和儒門事親一書。內稱聖人止有三法。

無第四法。夫病非人身本有之物。或自外入。或自內出。

邪氣也。邪氣中人。輕則久而自盡。甚則久而不已。更甚則

暴亡矣。若不去邪。而先用補。是盜未出門。而先固扁鑰。有

是理乎。惟脉脫下虛。下天無邪無積之人。始可議補。他病惟用

汗吐下三法。攻去邪氣。而元氣自復也。素問一書。言辛甘

發散。淡滲洩為陽。酸苦涌泄為陰。發散歸于汗。涌歸于吐。

泄歸于下。滲為解表。同于汗。洩為利小便。同于下。殊不言

補。所謂補者。辛補肝。鹹補心。甘補脾。酸補肺。苦補腎。皆以

發腠理。致津液。通氣血而已。蓋草木皆以治病。病去則穀

果菜肉皆補物也。是故三法猶刑罰也。梁肉猶德教也。治

亂用刑。治治用德。理也。三法亦兼衆法。如引涎。漉涎。取嚏。

追淚。凡上行者。皆吐法也。薰蒸。漂洗。熨烙。針刺。砭射。導引。按摩。凡解表者。皆汗法也。催生。下乳。磨積。逐水。破經。洩氣。凡求待者。皆下法也。天之六氣。風寒暑濕燥火。發病多在。土地之六氣。霧露雨雪水泥。發病多在下。人之六味。酸苦甘辛鹹淡。發病多在中。發病者三。出病者亦三。風寒暑濕之邪。結搏于皮膚之間。滯于經絡之內。或發痛注。麻痺拘攣。莫如發汗。所以開玄府而逐邪氣也。凡破傷風。小兒驚風。飧泄不止。酒病。火病。皆可汗之。所謂火鬱則發之也。汗有數法。有溫熱發汗。寒涼發汗。薰漬發汗。導引發汗。善擇者。當熱而熱。當寒而寒。不善擇者。反此。則病有變也。凡痰飲宿食。病在胸膈中脘以上者。皆宜吐之。用法先宜少服。

不涌漸加之。仍以雞羽探之。不出以蠶投之。且投且探。吐至瞑眩。慎勿驚疑。但飲新水立解。強者可一吐而安。弱者作三次吐之。吐之次日有頓愈者。有轉甚者。引之未盡也。越數日再吐之。吐後忌飽食酸鹹硬物乾物油肥之物。吐後心火既降。陰道必強。大禁房室。悲憂。病人既不自責。必歸咎于吐也。不可吐者有六。性好怒喜淫者。病勢已危。老弱氣衰者。自吐不止者。吐血咯血。衄血。嗽血。崩血。溺血者。病人無正性。反復不定者。左右多嘈襍之言者。皆不可吐也。凡積聚陳莖于中。留結寒熱于內。必用下之。陳莖去而腸胃潔。癥瘕盡。而營衛通下之者。所以補之也。或苦寒下之。或辛熱下之。庸工妄投。當寒反熱。當熱反寒。故謂下爲

害也。惟巴豆性熱，非寒積不可輕用耳。不可下者，凡四。洞泄寒中者，表裏俱虛者，厥而唇青，手足冷者，小兒病後慢驚者，設下必致殺人。其餘大積、大聚、大痞、大秘、大燥、大堅，非下不可也。

按仲景傷寒論用吐汗下三法，而張子和儒門事親一書發揮甚暢，蓋謂治病之要在於卻邪，邪去則正自安。若非吐汗下，則邪無出路，何自而去？庸醫用補，是關門養寇也。直謂聖人祇有三法，無第四法，其論頗卓。李東垣謂飲食勞倦，內傷脾胃，亦能使人發熱惡寒，此與外感風寒之證頗同而實異。外感風寒，乃傷其形，內傷脾胃，乃傷其氣，傷其形爲有餘，傷其氣爲不足，有餘者瀉之，不足者補之。

論主于升陽益胃。取潔古枳朮丸之義。而立補中益氣湯一方。以發脾胃之氣。升騰而行春令。此發前人所未發也。朱丹溪謂天不足西北。地不滿東南。西北之人陽氣易降。東南之人陰火易升。苟不知此而徒守升陽之法。將見下焦丹田之氣。日漸虛乏。于是上盛下虛。有升無降之病作矣。其論主于滋補陰氣。與劉守真之用涼劑以降心火。益腎水爲主。大致相同。迨至明朝王宇泰輩。則謂氣爲陽。血爲陰。人之一身。形骸精血。皆陰也。而通體之溫者。陽氣也。及一生之活者。陽氣也。五官五藏之神明不測者。陽氣也。及其既死。形固存而氣則去。此以陽氣爲生死也。天之大寶。只此一輪紅日。人之大寶。只此一息真陽。孰謂陽常有餘。

陰常不足而欲以苦寒之物伐陽而益陰乎。其論主于溫補陽氣。以上諸家皆原本內經之旨而各成其是者也。夫古今之運氣不齊。南北之風土亦異。人之藏府萬有不同。人之疾病亦萬有不同。學者深維乎內經之理而融會乎諸家之論。臨證切脉。不執古法。實邪在表裏者。當用吐汗下三法。陽氣下陷者。則當升陽益胃。陰虛火熾者。則當滋養陰氣。脾腎虛寒者。則當溫補陽氣。善法水者。以水爲師。善治病者。以病爲師。斯其庶幾矣乎。

藏府虛實寒熱主治之藥

集本草綱目

肝藏血。屬木。膽火寄于中。主血。主目。主筋。主呼。主怒。木病諸風眩運。僵仆強直。驚癇。兩脇腫痛。嘔血。小腹疝痛。疔瘰。

女人經病標病

瘧頭痛吐涎目赤面青多怒耳閉煩

腫筋攣卵縮丈夫癩疔女人少腹腫痛陰病有餘瀉之甘
草以瀉子也香附芎藭瞿麥牽牛青皮以行氣也紅花蘇
木桃仁丹皮莪朮三稜大黃鼈甲穿山甲水蛭蠱以行血
也雄黃真珠龍骨金箔銀箔鐵落鉛丹胡粉代赭石夜明
砂石決明以鎮驚也羌活獨活防風荆芥薄荷皂莢槐子
蔓荊子烏頭白附子僵蠶蟬蛻白花蛇以祛風也不足補
之枸杞子兔絲子熟地阿膠車蘼杜仲苦參以補母也篇
歸白芍芎藭牛膝續斷血竭沒藥以補血也天麻白朮
花細辛生薑炙明栢子仁穀精草密蒙花以補氣也木
寒之芍藥烏梅澤瀉以瀉木也黃連黃芩苦茶猪膽龍膽

草以瀉火也。大黃以攻裏也。標熱發之。柴胡半夏以和解也。麻黃桂枝以解肌也。

心藏神。爲君火。包絡爲相火。代君司令。主血。主言。主汗。主笑。本病諸熱。腎憊驚惑。譫妄煩亂。啼笑驚詈。怔忡健忘。自汗。諸痛瘍瘡瘍。標病肌熱畏寒戰慄。舌不能言。面赤目黃。手心煩熱。胸脇滿。痛引腰背肩胛肋臂。火實瀉之。黃連大黃以瀉子也。甘草人參赤茯苓木通黃蘗以瀉氣也。生地玄參丹參丹皮以瀉血也。硃砂牛黃紫石英以鎮驚也。神虛補之。細辛烏梅酸棗仁生薑陳皮以補母也。遠志桂心石菖蒲白茯苓茯神澤瀉以補氣也。當歸熟地乳香沒藥以補血也。本熱寒之。黃芩竹葉麥門冬芒硝炒鹽以瀉火。

也。地黃、卮子、天竹黃以涼血也。標熱發之。甘草獨添。麻黃、柴胡、龍腦以散火也。

脾藏智。屬土。爲萬物之母。主營衛。主味。主肌肉。主四肢。本病諸濕腫脹。痞滿噫氣。大小便閉。黃疸痰飲。吐瀉霍亂。心腹痛。飲食不化。標病身體胕腫重困。嗜臥。四肢不舉。舌本強痛。足大趾不用。九竅不通。諸瘕項強。土實瀉之。訶子、防風、桑白皮以瀉子也。豆豉、卮子、常山、瓜蒂、鬱金、薑汁、藜蘆、苦參、鹽湯、苦茶、葡萄子、赤小豆以涌吐也。大黃、茵消、青礞石、大戟、芫花、甘遂、續隨子以攻下也。土虛補之。桂心、茯苓以補母也。人參、黃芪、甘草、升麻、葛根、陳皮、藿香、薏苡、縮砂、仁、木香、扁豆以補氣也。白朮、蒼朮、白芍、膠飴、大棗、乾薑、木

瓜烏梅、蜂蜜以補血也。本濕除之。白朮、蒼朮、橘皮、半夏、南星、吳茱萸、草豆蔻、白芥子以燥中宮也。木通、赤茯苓、猪苓、藿香以潔淨府也。標濕滲之。葛根、蒼朮、麻黃獨活以開鬼門也。

肺藏魄屬金。總攝一身元氣。主臭。主哭。主皮毛。本病諸氣。膈鬱。諸痿。喘。嘔。氣短。欬。嗽。上逆。欬。唾。膿。血。不得臥。小便數。而欠遺失不禁。標病。灑。淅。寒。熱。傷風。自汗。肩背痛冷。臍臂。前。臑。痛。氣。實。瀉之。澤瀉、葶藶、桑白皮、地骨皮以瀉子也。半夏、白礬、白茯苓、薏苡仁、木瓜、橘皮以除濕也。粳米、石膏、寒水石、知母、訶子以瀉火也。枳殼、薄荷、乾生薑、木香、厚朴、杏仁、皂莢、桔梗、蘇梗以通帶也。氣虛補之。甘草、人參、升麻、黃

耆山藥以補母也。蛤蚧、阿膠、麥冬、天冬、山茱、百合、天花粉以潤燥也。烏梅、栗殼、芍藥、五味子、五倍子以斂氣也。本熱清之。黃芩、知母、天冬、麥冬、梔子、沙參、紫苑以涼血也。本寒溫之。丁香、藿香、檀香、白豆蔻、益智仁、縮砂仁、欒冬、花、百部、糯米以溫氣也。標寒散之。麻黃、蔥白、紫蘇以解表也。

腎藏志屬水為天一之原主聽主骨上二陰本病諸寒厥逆骨痠腰痛腰冷如冰足脰腫少腹滿急疝瘕大便閉塞泄吐利腥穢水液澄澈清冷不禁消渴引飲標病發熱不惡熱頭眩頭痛咽痛舌燥脊股後廉痛水強瀉之大戟牽牛以瀉子也。澤瀉、猪苓、車前子、防己、茯苓以瀉腑也。水弱補之人參、山藥以補母也。知母、玄參、苦參、砂仁補骨脂以

補氣也。黃蘗、枸杞子、五味子、熟地、阿膠、山茱萸、肉蓯蓉、瑣陽以補血也。本熱攻之。大承氣湯以攻下也。本寒溫之。附子、乾薑、肉桂、蜀椒、白朮以溫裏也。標寒解之。麻黃、細辛、獨活、桂枝以解表也。標熱涼之。連翹、玄參、甘草、豬膚子以清熱也。

命門爲相火之原。天地之始。藏精生血。主三焦元氣。本病前後癰閉。氣逆裏急。疝痛。奔豚。消渴。膏淋。精漏。精寒。赤白濁。溺血。筋中帶漏。火強瀉之。黃柏、知母、生地、茯苓、玄參、丹皮、地骨皮、寒水石以瀉相火也。火弱補之。附子、川烏、天雄、肉桂、益智、補骨脂、胡桃、巴戟、當歸、蛤蚧、覆盆子、沉香、烏藥、茴香、丹砂、硫黃、陽起石以益陽也。精脫固之。牡蠣、艾實、蛤

粉、遠志、金櫻子、五味子、山茱萸以瀝精也。

三焦爲相火之用。分布命門元氣。主升降出入。遊行天地之間。總領五藏六府。營衛經絡。內外上下左右之氣。號中清之府。上主納。中主化。下主出。本病諸熱。瞋癰。暴病。暴死。暴瘖。躁擾。狂越。譫妄。驚駭。諸血溢。血泄。諸氣逆衝上。諸瘡瘍。痘疹。癰核。上熱則喘滿。諸嘔吐酸。胸痞。脇痛。食飲不消。頭上出汗。中熱則善饑而瘦。解飢。中滿。諸脹腹大。諸病有聲。鼓之如鼓。上下關格不通。霍亂吐利。下熱則暴注下迫。水液渾濁。下部腫滿。小便淋瀝。或不通。大便閉結。下利。上寒則吐。飲食痰水。胸痺。前後引痛。食已還出。中寒則飲食不化。寒脹。反胃吐水。濕瀉。不渴。下寒則二便不禁。臍腹冷。

疝痛、標病、惡寒、戰慄、如喪神守、耳鳴、耳聾、噤腫、喉痺、肘腫、
疼酸驚駭、手小指次指不用、實火瀉之、麻黃、柴胡、葛根、荆
芥、升麻、羌活、石膏、以發汗也、瓜蒂、滄鹽、蘆汁、以涌吐也、大
黃、芒消、以攻下也、虛火補之、人參、天雄、桂心、以補上也、人
參、黃耆、丁香、木香、草果、以補中也、人參、附子、硫黃、桂心、沉
香、烏藥、補骨脂、以補下也、本熱寒之、黃芩、連翹、梔子、知母、
玄參、石膏、生地、以清上也、黃連、連翹、生地、石膏、以清中也、
黃柏、知母、生地、石膏、丹皮、地骨皮、以清下也、標熱散之、柴
胡、細辛、荆芥、羌活、葛根、石膏、以解表也。

膽屬木、爲少陽相火、發生萬物、爲決斷之官、十一藏之主、
本病、口苦、嘔苦汁、善太息、澹澹如人將捕狀、目昏不眠、標

病寒熱往來。疔瘡。胸脇痛。頭額痛。耳痛。鳴聲。瘰癧。結核。馬刀。足小指次指不用。實火瀉之。龍膽草。牛膽。豬膽。生蕤仁。生棗仁。黃連。苦茶。以瀉膽也。虛火補之。人參。細辛。當歸。地黃。半夏。炒蕤仁。炒棗仁。以溫膽也。本熱平之。黃芩。黃連。芍藥。連翹。甘草。以降火也。黑鉛。水銀。以鎮驚也。標熱和之。柴胡。芍藥。黃芩。半夏。甘草。以和解也。

胃屬土。主客受。爲水穀之海。本病噎膈反胃。中滿。腫脹。嘔吐。瀉痢。霍亂。腹痛。消中。善饑。不消食。胃管。當心痛。支兩脇。標病。發熱。蒸蒸。身前熱。身前寒。發狂。譫語。咽痺。上齒痛。口眼喎斜。鼻痛。鼽衄。赤瘡。胃實瀉之。大黃。芒消。以攻濕熱也。巴豆。神麴。山查。阿魏。硃砂。鬱金。三稜。輕粉。以消食積也。胃

虛補之。蒼朮、白朮、半夏、茯苓、生薑以清濕熱也。乾薑附子、草果、肉桂、丁香、肉果、人參、黃耆以溫寒濕也。石膏、生地、犀角、黃連以降火也。標熱解之。升麻、葛根、豆豉以解肌也。

大腸屬金主變化。爲傳送之官。本病大便閉結泄痢下血裏急後重痢持脫肛腸鳴而痛標病齒痛喉痺頸腫口乾咽中如核魔魵目黃手大指次指痛宿食發熱寒慄腸實瀉之。大黃、芒消、牽牛、巴豆、石膏、桃仁、郁李仁以攻熱也。枳殼、木香、橘皮、檳榔以瀉氣也。腸虛補之。皂莢以理氣也。桃仁、麻仁、杏仁、地黃、乳香、松子、當歸、肉蓯蓉以潤燥也。白朮、蒼朮、半夏、硫黃以滲濕也。升麻、葛根以升陷也。龍骨、白堊、訶子、粟殼、烏梅、白礬、赤石脂、禹餘糧、石榴皮以固脫也。本

熱寒之。秦艽、槐角、生地、黃芩以清熱也。本寒溫之。乾薑、附子、肉果以溫裏也。標熱散之。石膏、白芷、升麻、葛根以解肌也。

小腸主分泌水穀爲受盛之官。本病大便水穀利。小便短。小便閉。小便血。小便白利。大便後血。小腸氣痛。宿食。夜熱。目止。標病。身熱惡寒。噤痛。領腫。口糜。耳聾。實熱瀉之。木通、猪苓、滑石、瞿麥、澤瀉、燈草以瀉氣也。生地、蒲黃、赤茯苓、芫子、丹皮以瀉血也。虛寒補之。白朮、棟實、茴香、砂仁、神麴、扁豆以補氣也。桂心、玄胡索以補血也。本熱寒之。黃柏、黃芩、黃連、連翹、芫子以降火也。標熱散之。蒼朮、羌活、防風、蔓荊子以解肌也。

膀胱主津液。爲胞之府。氣化乃能出。號州都之官。諸病皆干之。本病。小便淋瀝。或短數。或黃赤。或白。或遺失。或氣痛。標病。發熱惡寒。頭痛。腰脊強。鼻塞。足小指不用。實熱瀉之。滑石、茯苓、猪苓、澤瀉。以瀉火也。下虛補之。虛而熱者。黃柏、知母。以寒補也。虛而寒者。升麻、桔梗、益智、烏藥、山茱萸。以溫補也。本熱利之。生地、梔子、茵陳、黃柏、丹皮、地骨皮。以降火也。標寒發之。麻黃、桂枝、羌活、蒼朮。防已、黃耆、木賊。以發表也。

寒熱虛實各有真假

集類經註

張介賓曰。愚按病名甚多。診病之要。不出寒熱虛實而已。綱目分別病之標本。藥之補瀉。真如網之提綱。衣之挈領。

大無不包。細無不舉。學者熟讀數行之簡。勝千卷之繁矣。然而臨證治病。動多乖舛者。非寒熱虛實之難知。而真假之難辨也。既不辨其真假。則是以寒爲熱。以熱爲寒。以虛爲實。以實爲虛。未有不顛隕者矣。經曰。寒者熱之。熱者寒之。微者逆之。甚者從之。逆者正治。從者反治。從少從多。觀其事也。若使病無真假。則祇有正治之法耳。何以有反治之法哉。如寒熱之真假者。真寒則脉沉而細。或弱而遲。爲厥逆。爲嘔吐。爲腹痛。爲瀉泄下利。爲小便清。而即有發熱。必欲得衣。此浮熱在外。而沉寒在內也。真熱則脉數有力。滑大而實。爲煩躁喘滿。爲聲音壯厲。或大便秘結。或小便赤澀。或發熱掀衣。或脹疼熱渴。此皆真病。真寒者宜溫其

寒。真熱者。直解其熱。是當正治者也。至若假寒者。陽證似陰。火極似水也。外雖寒而內則熱。脉數而有力。或沉而鼓擊。或身寒惡衣。或大便秘結。或煩渴引飲。或腸垢臭穢。此則惡寒非寒。明是熱證。所謂熱極反兼寒化也。假熱者。陰證似陽。水極似火也。外雖熱而內則寒。脉微而弱。或數而虛。或浮大無根。或弦芤斷續。身雖熾熱而神則靜。語雖譫妄而聲則微。或虛狂起倒而禁之則止。或蚊跡假斑而淺紅細碎。或喜冷水而所用不多。或舌胎面赤而衣被不撤。或小便多利。或大便不結。此則惡熱非熱。明是寒證。所謂寒極反兼熱化也。此皆假病。假寒者。清其內熱。內清則浮陰退舍矣。假熱者。溫其真陽。中溫則虛火歸原矣。是當從

治者也。又如虛實之治。實則瀉之。虛則補之。此不易之法也。然至虛有盛候。則有假實矣。大實有羸狀。則有假虛矣。蓋虛者。正氣虛也。爲色慘形疲。爲神衰氣怯。或自汗不收。或二便失禁。或夢遺精滑。或嘔吐隔塞。或病久攻多。或氣短似喘。或勞傷過度。或暴困失志。雖外證似實。而脈弱無神。皆虛證之當補也。實者。邪氣實也。或外閉于經絡。或內結于藏府。或氣壅而不行。或血留而凝滯。此實證之當攻也。惟是虛實之間。最多疑似。有正已奪而邪方盛者。將顧其正而補之乎。抑先其邪而攻之乎。若正氣旣虛。則邪氣雖盛。亦不可攻。恐呼吸變生。措手無及。故治虛邪者。當先顧正氣。且補中有攻。補陰所以攻熱。補陽所以攻寒。兼之

酌量緩急。從少從多。寓戰于守。斯可矣。此治虛之道也。若邪氣內壅者。外雖尪羸。自不宜補。蓋補之則正無與。而邪反盛。適足藉寇兵。而資盜糧。當直去其邪。邪去則身安。此治實之道也。要之假虛之證少。而假實之證多。假寒之證不難治。而假熱之證最易誤也。真假之間。非智者。孰能與于此哉。

反治之法

集類經註

素問至真要大論云。岐伯曰。熱因寒用。寒因熱用。塞因塞用。通因通用。必伏其所主。而先其所因。可使氣和。可使必已。張介賓曰。按熱因寒用。如大寒內結。當治以熱。然寒甚格熱。熱不得前。則以熱藥冷服。下盛之後。冷體既消。熱

性便發。此熱因寒用之法也。寒因熱用者。如大熱在中。以寒攻治。則不入。以熱攻治。則病墮。乃以寒藥熱服。入腹之後。熱氣既消。寒性遂行。此寒因熱用之法也。寒因塞用者。如下氣虛乏。中氣壅塞。欲散滿。則更虛其下。欲補下。則滿甚于中。治不知本。而先攻其滿。藥入。或減。藥過。依然。氣必更虛。痛必漸甚。不知少服。則資壅。多服。則宜通。峻補其下。以疎啓其中。則下虛自實。中滿自除。此塞因塞用之法也。通因通用者。如大熱內蓄。或大寒內凝。積聚留滯。瀉利不止。寒滯者。以熱下之。熱滯者。以寒下之。此通因通用之法也。以上四治。必伏其所主者。制病之本也。先其所因者。求病之由也。既得其本。而以真治真。以假治假。則能使氣和。

而病必已也。

素問至真要大論云。黃帝曰。服寒而反熱。服熱而反寒。其故何也。岐伯曰。治其王氣。是以反也。張介賓曰。愚按治其王氣者。如陰虛火旺之病。醫者用苦寒以治火之王。豈知苦寒皆沉降。沉降則亡陰。陰愈亡。則火愈盛。故服寒反熱。若陰虛不宜降也。氣弱生寒之病。醫者用辛溫以治陰之王。豈知辛溫皆耗散。耗散則亡陽。陽愈亡。則寒愈甚。故服熱反寒者。陽虛不宜耗也。又如夏令本熱而伏陰在內。故多中寒。冬令本寒而伏陽在內。故多內熱。醫不察此。而惟用寒于夏。用熱于冬。則有中寒而服熱。中熱而服寒。服熱反寒者矣。

素問至真要大論云岐伯曰寒熱溫涼反從其病王太僕曰愚按微小之熱爲寒所折微小之冷爲熱所消甚大寒熱則必能與違性者爭雄異氣者相格譬不同不相應氣不同不相合則病氣與藥氣抗衡而閉關拒守矣是以聖人反其佐以同其氣借熱以行寒借寒以行熱使其始同終異凌閤而敗堅是皆反佐變通之妙所謂因其勢而利導之也。

素問至真要大論云岐伯曰諸寒之而熱者取之陰熱之而寒者取之陽所謂求其屬也張介賓曰愚按若寒治熱而熱反增非火之有餘乃真陰之不足也當取之于陰謂不宜治火也宜補陰以配其陽壯水之主以制陽光則陰

氣復而熱自退矣。辛熱治寒而寒愈甚。非寒之有餘。乃真陽之不足也。當取之于陽。謂不宜攻寒也。宜補水中之火。益火之源。以消陰翳。則陽氣復而寒自消矣。所謂益與壯者。溫養陽氣。填補真陰是也。

治氣之法

素問陰陽應象大論云。岐伯曰。氣虛宜掣引之。張介賓曰。點按掣者。挽也。挽回其氣而引之。使復也。上氣虛者。升而舉之。中氣虛者。溫而補之。下氣虛者。納而歸之。皆掣引之義也。

素問疏五過論云。黃帝曰。治病之道。氣內爲寶。張介賓曰。氣者。有外氣。天地之六氣也。有內氣。人身之元氣也。

失其和。則爲邪氣。氣得其和。則爲正氣。亦曰真氣。真氣所
在有三。上中下也。上者所受于天。以通呼吸者也。中者生
于水穀。以養榮衛者也。下者氣化于精藏于命門。以爲三
焦之根本者也。故上有氣海。曰膻中。其治在肺。中有水
穀氣血之海。曰中氣也。其治在脾胃。下有氣海。曰丹田也。
其治在腎。人之所賴。惟此氣耳。氣聚則生。氣散則死。故曰
氣內爲實。誠最重之詞。醫家最切之旨也。

治病從本

李瀕湖曰。治病當知標本。以身論之。外爲標。內爲本。陽爲
標。陰爲本。六府屬陽。爲標。五藏屬陰。爲本。十二經絡在外
爲標。藏府在內爲本。以病論之。先受爲本。後傳爲標。故百

病必先治其本。後治其標。縱先生輕病。後生重病。亦先治其輕。後治其重。惟中滿及大小便不利。則無問先後標本。必先治滿。及大小便爲其急也。故曰急則治其標也。

氣味補瀉

李瀕湖曰。凡藥補者。則于藏府皆補。瀉者。則于藏府皆瀉。分之則或補氣。或補血。或瀉氣。或瀉血。若晝夜之不同。晷水陸之不同。塗也。細而分之。則氣味之于藏府。各有補各有瀉。肝膽二經溫補涼瀉。辛補酸瀉。心小腸命門三焦四經熱補寒瀉。鹹補甘瀉。脾大腸二經涼補濕瀉。酸補辛瀉。腎膀胱二經寒補熱瀉。苦補鹹瀉。脾胃二經濕熱補寒涼瀉。甘補苦瀉。凡人之病。一經寒。則一經熱。一經實。則一經

虛醫者。區別不精。混而施之。則有實實虛虛之患。而欲愈疾難矣。

引經報使

李東垣曰。手少陰心經黃連。細辛爲使。手太陽小腸經藜本。黃蘗爲使。足少陰腎經獨活。肉桂。知母。細辛爲使。足太陽膀胱經羌活爲使。手太陰肺經桔梗。升麻。葱白。白芷爲使。手陽明大腸經白芷。升麻。石膏爲使。足太陰脾經升麻。蒼朮。葛根。白芍爲使。足陽明胃經白芷。升麻。石膏。葛根爲使。手厥陰心包絡經柴胡。丹皮爲使。手少陽膽經柴胡。青皮爲使。足少陽三焦經柴胡。連翹爲使。上焦地骨皮爲使。中焦青皮爲使。下焦附子爲使。此皆引經之藥。劑中用爲

向導則能接引衆藥直入本經用力寡而獲効捷也。

採藥時候

陶貞白曰凡根多二月八月採者春初津潤始萌未充枝葉勢力淳濃也至秋枝葉乾枯津潤歸于下也春寧宜蚤秋寧宜晚花實莖葉各隨其成熟可也。

陶貞白曰狼毒枳實楠皮半夏麻黃吳茱萸並須陳久者良其餘皆貴新也按大黃木賊荆芥芫花槐花木瓜之類亦宜陳久不獨此六陳也。

辨藥真偽

李願湖云醫不識藥惟聽市人市人又不辨究皆委採送之家傳習造作真偽莫辨鍾乳醋煮令白細辛水漬使直

黃耆蜜燕爲甜。當歸酒酒取酒。地榆。赤足令赤。蜈蚣膠干桑枝以蛇床當歸燕以薤白亂人參。古虜灰云死龍骨。首宿根爲土黃耆。鹽松稍爲肉從蓉。搗荔枝爲麝香。采茄葉爲藿香。染半夏爲玄胡索。熬廣膠入蕎麥作阿膠。煮雞子及魚枕爲琥珀。枇杷蒞代欵冬。驢脚脰作虎骨。松脂混騏驎竭。番硝和龍腦香。巧詐百般。難以悉數。此皆亂僞作真。不可不察者也。

秤藥分劑

陶隱居云古秤惟有銖兩而無分名。今則以十銖爲一銖。六銖爲一分。四分成一兩。十六兩爲一觔。按鑪初吐絲曰忽。十忽曰絲。十絲曰釐。四釐曰象。音壘。十釐曰分。六象曰

字二分半也。十銖曰銖。四分也。四字曰錢。十分也。六銖曰一分。去聲。二錢半也。四分曰兩。二十四銖也。八兩曰鎰。二鎰曰觔。二十四兩曰鎰。一觔半也。三十觔曰鈞。四鈞曰石。一百二十觔也。

丸散方。用刀圭者。十分方寸七之一。准如梧桐子大也。方寸七者。作七正。方一寸。鈔散取不落爲度。一撮者。四刀圭也。

藥以升合分者。謂藥有虛實輕重。不得用觔兩。則以升平之。十撮爲一勺。十勺爲一合。十合爲一升。升方上徑一寸。下徑六分。深八分。十升爲斗。五斗曰斛。二斛曰石。

凡方云咬咀者。謂秤畢。擣之如大豆。又吹去細末。藥有易

劉守貞曰蛇之性上竄而引藥蟬之性外脫而退翳蚤飲血而用以治血鼠善穿而用以治漏因其性而爲用也弩牙速產以機發而不括也杵糠下噎以杵築下也因其用而爲使也浮萍不沉水可以勝酒獨活不搖風可以治風因其所勝而爲制也麻大穀而治風豆水穀而治水因其氣相同則相求也牛土畜乳可以止渴疾豕水畜心可以

鎮恍惚因其氣相尅則相制也。肝明視因其氣有餘補不足也。鯉之治水驚之利水因其氣相感則以意使也。

凡藥根之在土中者。中半以上氣脉之上行也。以生苗者爲根。中半以下氣脉之下行也。以入土者爲稍。人之身半以上天之陽也。用頭中焦陰陽之間也。用身身半以下地之陰也。用稍乃述類象形者也。

川藥參伍

李瀕湖曰。藥有單行者。有相須者。有相使者。有相畏者。有相惡者。有相反者。有相殺者。按單行者。獨行不用輔也。相須者。同類不可離也。相使者。我之佐使也。相惡者。奪我之

能也。相畏者。受彼之制也。相反者。兩不相合也。相殺者。制彼之毒也。凡此七情。合和視之。常用相須。相使。皆分別相惡相反者。若有毒宜制。可用。相畏相殺者。不爾勿合用也。舊方用藥。亦有相惡相反者。如仙方甘草丸。有防已。細辛。俗方玉石散。用括樓。乾薑之類。然不如不用爲良。半夏有毒。須用生薑取其相畏相制也。相反深于相惡。乃彼我交仇。必不和合。今畫家用雌黃。胡粉相近。即便黯妬。可徵矣。

丸散湯膏

陶隱居曰。凡藥性有宜丸者。宜散者。宜水煮者。宜酒漬者。宜膏煎者。亦有一物兼宜者。亦有不可入湯酒者。並隨藥性。不得違越。按病亦有宜湯者。宜丸者。宜散者。湯可以蕩

作餅重使製除劣性而降下。米泔製去燥性而和中。乳製
固祐生血。蜜製甘緩益元。陳壁土製竊氣以補中。焦麥
麴皮製抑酷性。勿傷上膈。烏豆湯甘草湯漬曝並解毒。致
令平和。羊酥猪脂塗燒咸滲骨。容易脆斷。去穢者免脹去
心者除煩。

陶隱居曰。凡病在頭面及皮膚者。藥須酒炒。在咽下臍上
者酒洗之。在下者生用。寒藥酒浸曝乾。恐傷胃也。

陶隱居曰。凡篩丸散用重密絹各篩畢。合于臼中。搗數百
遍。色理和同。乃佳也。

陶隱居曰。凡丸藥治下焦者丸極大。治中焦者次之。治上
焦者極小。水滴丸取其易化。煉蜜丸取其遲化而氣循經。

絡也。蠟丸取其難化固護藥之氣力以過關膈而作効也。陶隱居曰凡煮湯欲微火令小沸古法二十兩藥用水一斗煮取四升爲准。今之小湯劑每一兩用水二甌爲准。如劑多水少則藥味不出劑少水多又煎耗藥力也。然利湯欲生宜少水而多取汁補湯用熟宜多水而少取汁。若發汗藥宜緊火熱服攻下藥亦緊火煎熟下芒消大黃再煎溫服補中藥宜緩火溫服陰寒煩躁藥宜緊火煎熟水中沉冷服。凡湯中用麝香牛黃犀角羚羊角蒲黃丹砂芒消阿膠之類須細末如粉臨時納湯中攪和服之。

服藥時候

陶隱居曰病在胸膈已上者先食而後服藥病在心腹已

下者。先服藥而後食。病在四肢。血脈者。宜空腹而在旦。病在骨髓者。宜飽滿而在夜。病在上者。不厭頻而少。病在下者。不厭頻而多。少服則滋榮于上。多服則峻補于下。服湯宜小沸。熱則易下。冷則嘔涌故也。

藥弗過劑

陶隱居曰。經云。大毒治病。十去其六。常毒治病。十去其七。小毒治病。十去其八。無毒治病。十去其九。穀肉果菜食養盡之。無使過之。傷其正也。蓋穀食得氣之正。藥餌得氣之偏。凡人病。氣非偏勝。則偏不足。偏勝者。以藥攻之。偏不足者。以藥補之。道疾已而氣平。當以穀食平補之。若久服不輟。則藥氣有偏勝。必藏氣有偏虧。故十分去其六七八九。

本真真言

不卷二十

而正也。